



АКАФИСТ
СВЯТОЙ ПРЕПОДОБНОМУЧЕНИЦЕ
ВЕЛИКОЙ КНЯГИНЕ
ЕЛИСАВЕТЕ



**Акафист святой
преподобномученице
великой княгине
Елисавете**



**МОСКВА
2022**

УДК 243
ББК 86.372
А38

*Рекомендовано к публикации
Издательским Советом
Русской Православной Церкви
(ИС Р23-239-3427)*

А38 Акафист святой преподобномученице великой княгине Елисавете. — М.: Благовест, 2022. — 32 с.

УДК 243
ББК 86.372

© Издательство «Благовест» —
текст, оформление, оригинал-
макет, 2022
ISBN 978-5-9968-0766-6



АКАФИСТ СВЯТОЙ ПРЕПОДОБНОМУЧЕНИЦЕ ВЕЛИКОЙ КНЯГИНЕ ЕЛИСАВЕТЕ

Кондак 1

Избрáнная от рóда держáвнаго дщерь
Церкве Русския, любóвию изобíльною и
милосéрдием Бóгу и б́лижним дóбре по-
служíвшая, за вѣру во Христа Гóспода на-
шего дýшу свою положíвшая и венцѣм
слáвы Христóвы украшѣнная, восхваляю-
ще пóдвиги и страдáния твоѧ, с любóвию
воспева́ем ти сѣце:

Рáдуйся, благовѣрная княгíне Елисавѣ-
то, преподобномученице достослáвная.

Икос 1

А́нгельским попечѣнием храни́мая и
мáтерию твоѣю благочѣстию поучáемая,
в трудѣх, мо́литвах и мѣ́лостыни измла́да
о́браз добродѣтельнаго житíя явѣла еси́.



По кончине же матери твоей и ближних
сродников крестный путь, Господом запо-
вѣданный, уразумѣла еси. Тѣмже, дивяще-
ся таковому от юности твоему избранію,
со умилѣніем взываем ти:

Радуйся, от юности Христа возлюбившая;
радуйся, во младости начатки благочестія
пріймшая.

Радуйся, Христова агнице избранная;
радуйся, страх Божій в душе воспріяв-
шая.

Радуйся, добродѣтели матери твоей на-
следствовавшая; радуйся, трудолюбію и
милосердію ею наученная.

Радуйся, сердцем в Бозе утвержденная;
радуйся, с вѣрою и упованіем крест твой
понѣсшая.

Радуйся, земли отечества твоего цвѣте
благоуханный; радуйся, чистотою жизни
твоей Небесъ возвеселившаяся.

Радуйся, на служеніе страждущим Бо-
гом избранная; радуйся, пред Господом о
нас теплая молитвеннице.

Радуйся, благоверная княгине Елисавет-
то, преподобномученице достославная.



Кондак 2

Вѣде Господь благое сердца твоего изволение, яко возжелела еси житиe провождити во благочестии и чистоте, к небесней красоте очи сердца твоего устремляющи и любовь к Богу в себе возгревающи. Молитвами твоими и наша сердца тою же любовью просвети, да с тобою воспойм Богу: Аллилуиа.

Икос 2

Разум просвещен имущи и все упование на Бога возложивши, не убоялася еси, святая Елисавето, оставить дом отца твоего и в новое Отечество вселиться, егда браком сочеталася еси с российским великим князем Сергием. Мы же с любовью взываем ти сие:

Радуйся, от Запада на Восток пришедшая; радуйся, в новом Отечестве единение с Церковию обретшая.

Радуйся, заповеди Господни исполнити возжелевшая; радуйся, в сердцах наших по Бозе ревнование воспламеняющая.



Рáдуйся, в супру́жестве целомудренне
пожившая; рáдуйся, в добродéлании нас
наставляющая.

Рáдуйся, благовѣрная княгине, странѣ
нашей вѣрно послужившая; рáдуйся, супру́-
гу твоёму в дѣлах благих мудрая помощни-
це.

Рáдуйся, семейств благочестивых покрови-
тельница; рáдуйся, материнскою любó-
вию нас согревающая.

Рáдуйся, красотою душевною и телѣс-
ною всех удивляющая; рáдуйся, всего мѣ-
ра христѣанскаго украшѣние.

Рáдуйся, благовѣрная княгине Елисавето,
преподобномученице достославная.

Кондак 3

Силою Божественныя благодати ко спа-
сѣнию умудрѣнная, познала еси вѣру ѣс-
тинную, княгине мѣлостивая Елисавето.
Темже, во Святѣй Землѣ пребываючи и в
желаніи сердца своего прияти Правосла-
вие укрепившись, воспѣла еси просветѣв-
шему тя Бóгу: Аллилу́иа.



Икос 3

Имѹщи сѣрдце, дѡбрей земли подѡбное, вѣру правосла́вную удо́бь восприя́ла еси́, тѣмже Свята́го Миропомáзания и причащѣ́ния Святы́х Христовыхъ Тайнъ в прáздник Воскрѣ́шения прáведнаго Лázаря сподѡбилася еси́. Мы же, сла́вяще просвещѣ́ние твоѣ́ благода́тию Свята́го Дѹха, велича́ем тя:

Ра́дуйся, от заблужде́ний отрѣ́кшаяся; ра́дуйся, вѣру правосла́вную приемшая.

Ра́дуйся, помáзанием Свята́го Дѹха запечатле́нная; ра́дуйся, с Цѣрквию́ и́стинною воссоединѣ́нная.

Ра́дуйся, святе́й прáведней Елиса́вете тезоимени́тая; ра́дуйся, в по́двизехъ ей усѣ́рдно подража́вшая.

Ра́дуйся, сыновѡ́м За́пада путь к и́стинней вѣ́ре показѹ́ющая; ра́дуйся, от благоче́стивыхъ люде́й росси́йскихъ любѡ́вию почи́таемая.

Ра́дуйся, ми́лостивая ма́ти, ми́лость у Влады́ки и Го́спода обрѣ́тшая; ра́дуйся, и о на́шем поми́ловании усѣ́рдно моля́щаяся.



Рáдуйся, свет Божéственный в сéрдце
своём носíвшая; рáдуйся, тьму жíзни нá-
шея свéтом Христóвых зáповедей озаряю-
щая.

Рáдуйся, благовёрная княгíне Елисавé-
то, преподобномúченице достослáвная.

Кондак 4

Бúря злóбы врагá рóда человéческого не
поколебá ты, святáя, егдá благовёрный су-
пруг твой внезапную смерть от убíйц зло-
нравных воспрíят, емúже сострада́ющи,
вéлие мúжество и христиáнскую любóвь
явíла есí, о покаянии же убíйц моля́щи-
ся, творíла есí песнь: Аллилу́иа.

Икос 4

Слы́шавше росси́йстии лю́дие о убиé-
нии супруга твоего, моля́ху Бóга, да укрепíт
тя, святáя Елисавéто, в несéнии скóр-
би сея. Ты же, ева́нгельскою любóвию
двíжима, в темни́це убíйцу посетíла есí,
к покая́нию егó подвиза́ющи и моли́твы



возносящи ко Господу о прощѣнии его. Се-
го ради приими от нас, недостойных, по-
хвалы сия:

Радуйся, заповедь Христова о любви ко
врагом исполнившая; радуйся, убийцу су-
прюга твоего евангельски простившая.

Радуйся, мнози скорби и беды претер-
пѣвшая; радуйся, в скорбех и печалех нам
помогающая.

Радуйся, заблуждших на путь истины и
покаяния наставляющая; радуйся, о помѣ-
ловании грѣшных тѣпле ходатайствующая.

Радуйся, во тьме печалей свѣтом надѣ-
жды нас озаряющая; радуйся, путеводная
звездѣ всем спасенія чающим.

Радуйся, окаменѣнныя сердца наша во
умилѣние приводящая;

радуйся, о всякой скорби нашей Христа
умоляющая.

Радуйся, злобу мѣра добром побеждав-
шая; радуйся, людем российским любовь
истинную показавшая.

Радуйся, благовѣрная княгинѣ Елисаветѣ,
то, преподобномученице достославная.



Кондак 5

Боготѣчная звездá явѣлася есѣ в землѣ
Россійстей, святáя Елисавето, егда́ богат-
ство и слáву я́ко прах вменѣвши, в рúце
Бóжии жизнь свою́ прѣдала есѣ, Крест Гос-
пóдень вѣну пред очѣма имúщи. Тѣмже,
молѣтвую и дѣлы милосѣрдия Бóгу угодив-
ши, днесь в радости Емú поѣши: Аллилу́ия.

Икос 5

Вѣдевше тя лю́дие богоспасáемаго гра́-
да Москвѣ́ дѣвную устроительницу обѣте-
ли милосѣрдия, возрадовашася, я́ко мнози
женѣ́, дѣвы и стáрицы россиясти́и обретó-
ша zde тѣхое и душеспасѣтельное пристá-
нище, подража́юще святѣ́м жена́м-миро-
но́сицам Ма́рфе и Марѣ́и в служѣ́нии Бóгу
и б́лжним. Сего́ ра́ди, прославля́юще тя,
глагóлем сѣ́це:

Ра́дуйся, среди́ слáвы земнѣ́я суету́ мир-
ска́го житѣ́я уразумѣ́вшая; ра́дуйся, имѣ́-
ние своѣ́ разда́вшая и нищету́ Христо́ву
возлюбѣ́вшая.



Ра́дуйся, град Москвѹ обітелию дивною
укра́сившая; ра́дуйся, благо́е ѿго Христо́во
на ра́мо воспри́имшая.

Ра́дуйся, служе́нию святы́х жен-мироно́-
сиц подража́вшая; ра́дуйся, мно́гия же́ны
во обітель милосе́рдия приве́дшая.

Ра́дуйся, ко спасе́нию сесте́р твои́х му́д-
рая управі́тельница; ра́дуйся, обітели
твоея́ неусы́пная храні́тельница.

Ра́дуйся, в по́двизех теле́сных и духо́в-
ных нас укрепля́ющая; ра́дуйся, путь от
землі на Не́бо нам показу́ющая.

Ра́дуйся, свети́ло милосе́рдия, над гра́-
дом Москво́ю возше́дшее; ра́дуйся, всех
служи́щих бли́жним покрові́тельнице.

Ра́дуйся, благове́рная княгі́не Елиса́ве-
то, преподо́бному́ченице достосла́вная.

Кондак 6

Пропове́дница любве́ Божество́нныя и
милосе́рдия неисто́щимаго была́ еси́ в зем-
лі на́шей, святая́ Елиса́вето, благоче́стия
ревни́тельница, в сердца́х люде́й росси́й-
ских любóвь ко Го́споду и милосе́рдие к



братіям бѣдствующимъ возгревающе. Темже и мы, твоимъ заветомъ послѣдующе, вкупѣ сѣ сѣрыми и убогими Бѣгу воспоймъ: Аллилуіа.

Икосъ 6

Воссияла еси свѣтомъ иноческаго житія въ странѣ Россійстей, преподѣбная мати наша Елисаветѣ, въ постѣ и молитвѣ, въ ночныхъ бденіихъ и стрѣгомъ воздержаніи пребывающе, благочестію и смиренію сестры обители твоея поучала еси. Мы же, тобою на путь тѣсный подвига духовнаго наставляеми, ублажаемъ тя:

Радуйся, путь равноангельнаго житія избравшая; радуйся, въ целомудріи чистотѣ сердца твоего сохраняющая.

Радуйся, въ нестяжаніи высотѣ духа твоего показавшая; радуйся, въ послушаніи Бѣгу и ближнимъ послужившая.

Радуйся, мудрая княгинѣ и инокине пречестная; радуйся, образѣ женамъ христіанскимъ.

Радуйся, постомъ, бденіемъ и непрестанными молитвами Бѣгу угодившая; радуй-



ся, от сна греховнаго души наша пробуждающая.

Радуйся, ко исполнению заповеди о любви к Богу и ближним всех наставляющая; радуйся, молитве теплой нас обучающая.

Радуйся, наставнице инокиням и собеседнице ангелом; радуйся, в сонме преподобных жен на Небеси прославленная.

Радуйся, благоверная княгине Елисавето, преподобномученице достославная.

Кондак 7

Хотящи волю Господню творити, святая Елисавето, на всякий час свою волю отсекала еси, к совету пустынных старцев Гавриила и Алексия притекаючи и ины мужи духовосныя вопрошаючи, ихже мудрыми наставлении житие во обители милосердия добре устроила еси, непрестанно с сестрами взываючи Богу: Аллилуиа.

Икос 7

Новое чудо показа Господь, егда даровати, святая Елисавето, благодать и силу немощныя исцеляти, безнадежныя утешати,



заблуждшія вразумляти. Ты же, облегчё-
ние и отраду с любовью подаючи, сірым,
забвёным и немощным смиренно послу-
жила еси. Тёмже и нас, убóгих, твоёю мо-
литвою от страстей грехóвных исцели и
буди нам ко спасёнию управительница, да
благодарственно воспоём ти:

Рáдуйся, в послушáнии духовным отцём
и великим старцем пожившая; рáдуйся,
Великая Мáтушка людми́ российскими
наречённая.

Рáдуйся, дар немощны́я ду́ши врачевá-
ти от Бóга стяжавшая; рáдуйся, болящія
от одра́ болéзни возставляющая.

Рáдуйся, вдови́ц и сирóт благосёрдая по-
печительнице; рáдуйся, áлчущих питáтель-
нице и сущим в бедáх скóрая заступнице.

Рáдуйся, все́ми презрённых и отвёржен-
ных не оставляющая; рáдуйся, мно́гия ду́-
ши от тьмы грехóвныя и погíбели спасаю-
щая.

Рáдуйся, уныва́ющим в скóрбех и об-
стоянних мúдрая утёшительнице; рáдуйся,
и нас, удручённых болéзнями и немоща-
ми, укрепляющая.



Рáдуйся, кáющимся грéшником пред
Гóсподем предстáтельнице; рáдуйся, лю-
дем россíйским богодаровáнная помóщ-
нице. Рáдуйся, благовérная княгíне Ели-
савéто, преподобномóченице достослáвная.

Кондак 8

Стрáнное и стра́шное видéние явí Гос-
пóдь духовникú обíтели милосéрдия
иерею Митрофáну, ты же, о святáя мáти,
сиé видéние изъясня́ючи, прореклá еси́,
яко вéлие и грóзное испытáние грядёт на
Цérковь Рúсскую и держáву нáшу: святýнь
поругáние, брань братоубíйственная, смý-
та вéлия, кончíна мýченическая семейства
царскаго; но помилóует Бог Россíю по мо-
лíтвам святýх ея́, с нíмиже ты нýне вос-
певáеши Бóгу: Аллилу́иа.

Икос 8

Вся благодáтию Божéственнойю про-
свещáема, святáя Елисавéто, мýсленны-
ма очíма гнéвное посещéние Бóжие стра-
нý нáшея зрела еси́ и прорóчески вещáла



есї, яко мнози мученицы и исповѣдницы
в земли Русстей возсіяют. Тѣмже все упо-
ваніе на Божію Матерь возложити люди
российстии призывала есї, вѣруючи, яко
молїтвами Ея устроится и благословит-
ся земля наша. Мы же, ведуще прорече-
нія твоего о судбѣ отчїзны нашея сбытіе,
ублажаем тя сїце:

Радуйся, храм Покрова Пресвятыя Бо-
городицы во обители воздвигшая; радуй-
ся, в рuce Пречїстей Матери обитель твою
предавшая.

Радуйся, храмов святых и благолѣпных
устройтельнице; радуйся, к Богородице
неусыпная молїтвеннице.

Радуйся, храмы Божии сосудами и рїза-
ми благоукрасившая; радуйся, яко сердце
твоѣ обителию Святаго Духа соделася.

Радуйся, житіем своим Господу и Мате-
ри Его вѣрно послужившая; радуйся, все
упованіе на Бога возлагати нас научаю-
щая.

Радуйся, кротость, тишину и мир серд-
цам нашим подающая; радуйся, благодат-
ными дарами свѣтло украшенная.



Ра́дуйся, му́жественне ско́рби и клевету́
претерпе́вшая; ра́дуйся, себѣ в же́ртву Бо́-
гу угото́вившая.

Ра́дуйся, благове́рная княги́не Елиса́ве-
то, преподо́бному́ченице досто́славная.

Кондак 9

Вся любóвию к Бо́гу пламене́ючи, свя-
та́я Елиса́вето, не убо́ялася еси́, егда́ при-
идо́ша во о́битель твою́ лю́дие безбожнии,
хотя́щии суд непра́веден над тобо́ю совер-
ши́ти. Ты же, Го́сподом сохра́няема, сме́р-
ти тогда́ избе́гла еси́, о вразумле́нии и
просвѣ́щении неразу́мных и заблуж́дших
моля́щихся, Бо́гу же во благодарѣ́нии воспе-
ва́ющи: Аллилу́иа.

Икос 9

Ветѣй челове́ческих устá не возмо́гут до-
сто́йно восхва́лити крѣ́пость любве́ твоея́
во дни бед и напа́стей вели́ких, обыше́д-
ших Оте́чество на́ше, егда́ не восхоте́ла еси́
поки́нути Росси́ю и о́битель, тобо́ю создáн-
ную, се́стры тоя́ за ве́ру правосла́вную да-



же до смѣрти стояти увѣщающи. Мы же с любовію восхваляем тя:

Рáдуйся, зѣмлю нáшу возлюбívшая; рáдуйся, от людѣй правослáвныхъ с любовію прославляемая.

Рáдуйся, щитомъ вѣры ограждáтися нас научáющая; рáдуйся, желаніе крѣстнымъ слѣдовати в нас укрѣплáющая.

Рáдуйся, от рóва погíбели многія спáсшая; рáдуйся, обíтели твоѣй и гра́ду Москвѣ покрóве и защítнице.

Рáдуйся, сѣстры обíтели милосѣрдія в вѣре и надѣжди утвердívшая; рáдуйся, на пóдвиг мученичества за Христá их настáвльшая.

Рáдуйся, приобщítися страстѣмъ Христóвымъ удостóившаяся; рáдуйся, в пóдвизе исповѣдничества вѣрныя утверждáющая.

Рáдуйся, любви́ жѣртвенней, вѣчней нас научáющая; рáдуйся, в радость Гóспода твоeго вшѣдшая.

Рáдуйся, благовѣрная княгíне Елисавето, преподобномученице достослáвная.



Кондак 10

Спасительнаго подвига ищущи, святая Елисавето, с радостію благодарила еси Бога, яко сподоби тя понести крест Его. Темже просия победою вера твоя, егда, к Голгофе своей восходящи, непрестанно возглашала еси: Слава Богу за вся! Умоли, о мати наша, да дарует нам Господь стяжати мудрость и силу за веру правую даже до смерти стояти и воспевати Ему едиными усты и единым сердцем: Аллилуиа.

Икос 10

Стена неборимая и заступление стране нашей даровася святая икона Божия Матере Державная, юже прияла еси во Обители милосердия, святая Елисавето, яко знамение победы над миродержителю тьмы века сего. Сего ради и мы, все упование на Державную Владычицу возложивше, тебе яко истинную служительницу и послушницу Пречистыя Матере Господа восхваляем:



Рáдуйся, исполненная благодáти и сýлы
Бóжия; рáдуйся, избрáвшая благоýю часть,
яже не отýмется от тебé.

Рáдуйся, в крóтости и смирéнии Бóжи-
ей Мáтери подражáвшая; рáдуйся, я́ко мýд-
рая ева́нгельская дéва елéй благодáти со-
брáвшая.

Рáдуйся, Пресвяты́я Богородицы благого-
вéйная служите́льнице; рáдуйся, у Престо́ла
Сýна Ея́ непреста́нная моли́твеннице.

Рáдуйся, о́браз самоотверже́ния нам
яв́ившая; рáдуйся, друг дру́га тяготы́ носи́-
ти навча́ющая.

Рáдуйся, скорбьми́ и слезáми в Цáрство
Небе́сное возше́дшая; рáдуйся, любви́ и тер-
пéнию в страдании сущих всех навча́ющая.

Рáдуйся, а́нгельски на земли́ пож́ившая;
рáдуйся, на Небеси́ венéц сла́вы улучившая.

Рáдуйся, благове́рная княги́не Елиса́ве-
то, преподо́бному́ченице достосла́вная.

Кондак 11

Пéние моле́бное Бóжией Мáтери возно-
си́ла еси́, святáя Елиса́вето, в день прáзд-



нования Йверскія иконы Ея, егда взяша
тя нечестивии и в темницу ввергоша. Ты
же благодарила еси Христа Бога нашего,
давшего тебе не точию еже в Него верова-
ти, но и еже по Нем страдати, в узах тем-
ничных воспеваючи Ему: Аллилуиа.

Икос 11

Свет Божественный осия ты, страсто-
терпице святая княгине Елисавето, купно
с преподобномученицею Варварою, о Хри-
сте сестрою твоєю, и с прочими страсто-
терпцы именитыми, егда в глубокий ров
низринута вас нечестивии. Ты же, раны
великаго князя Иоанна обязующи и стра-
дания ближних облегчаючи, воспевала
еси священная песнопения, за убивающих
сице молящися: Отче, отпусти им, не ве-
дят бо, что творят. Уврачуи и наших душ
раны, преподобная матери, да с любовью
воспоём ти:

Радуйся, мученическую кончину свою
предуведевшая; радуйся, страстотерпице
великоименитая.



Рáдуйся, Страстѣм Христóвымъ приоб-
щівшаяся; рáдуйся, сїлою Божѣственною
в страдáниихъ укрепляемая.

Рáдуйся, за мучителей своихъ, Христú по-
дражаючи, молившаяся; рáдуйся, до сáмья
кончїны твоея песнь Бóгу воспѣвавшая.

Рáдуйся, крóвию своєю зѣмлю Рýсскую
оросївшая; рáдуйся, сóнму нóвыхъ мýче-
никъ сопричтѣнная.

Рáдуйся, я́ко ли́ку преподóбныхъ и прá-
ведныхъ женъ приобщїлася есї; рáдуйся,
святыхъ благовѣрныхъ княгїнь землїи Рýс-
скїя достóйная сонаслѣднице.

Рáдуйся, жѣртво непорóчная и благо-
приятная, Бóгу принесѣнная; рáдуйся, со
всѣми святými землїи нáшея торжествую-
щая.

Рáдуйся, благовѣрная княгїне Елисавѣ-
то, преподобномученице достослáвная.

Кондак 12

Благодáть источаютъ честнїи мóщи вá-
ша, святыя преподобномученицы Елиса-
вѣто и Варвáро, ихже от поругáния и без-



чѣстїя спáсше, благочестївии лю́діе из
Россїи во святы́й град Иерусали́м прине-
со́ша и в ве́си Гефсиманїйстей погребо́ша,
иде́же мно́зи к ним приходя́ще, ублажа́-
ют вас, воспева́юще Бо́гу, дѣвному во свя-
тых Сво́их: Аллилу́иа.

Икос 12

Свѣта небѣснаго и благоуханїя чѹднаго
храм святы́я миронóсицы Марїи Магда-
ліни во Иерусали́ме испóлнися, егда́ гроб
с тѣлом тво́им отвѣрст бысть. Тѣмже ны́не
Цѣркве Правосла́вныя ча́да вси ра́дуются и
лику́ют о Го́споде, притека́юще к чудото́ч-
ней ра́це мощей тво́их, преподобномуче-
нице Елисавето́, и благодаря́ще просла́вль-
шаго тя Го́спода, пою́т сїце:

Ра́дуйся, я́ко мо́щи тво́я нетлѣнием про-
цвето́ша; ра́дуйся, во Святу́ю Зѣмлю тѣлом
принесѣнная.

Ра́дуйся, в саду́ молѣнія Господня по-
гребѣнная; ра́дуйся, во хра́ме святы́я ми-
ронóсицы упокоѣнная.



Рáдуйся, явлéнием мощéй твоих Цér-
ковъ Рúсскую возвеселívшая; рáдуйся, сý-
щих в разсéянии росsíйских людéй духóв-
но укрепívшая.

Рáдуйся, я́ко Господь чрез мо́щи тво́я
исцеляет всѣ́кия скóрби и болéзни; рáдуй-
ся, по морю житейскому плавающих ти-
хое пристанище.

Рáдуйся, венéц добродéтелей собрав-
шая; рáдуйся, сла́вою и честию от Бóга
венча́нная.

Рáдуйся, Го́рняго Иерусали́ма блаже́н-
ная обитáтельница; рáдуйся, ко Иерусали́-
му Небéсному всем нам путево́дительнице.

Рáдуйся, благове́рная кня́гине Елиса́ве-
то, преподо́бному́ченице достосла́вная.

Кондак 13

О, вели́кая страстоте́рпице, жен рос-
сíйских украше́ние и ра́досте на́ша, кня-
гине ми́лостивая Елиса́вето, приими́ от
сérдца воздыхáние на́ше, с любóвию тебе́
приноси́мое, и твои́м предста́тельством ко
Го́споду дух пра́выя ве́ры и благоче́стия в



нас укрепѣ, в добродѣтели и милосѣрдїи
утвердѣ, помози крест скорбѣй с терпѣни-
ем и надѣждою понести, в любви и согла-
сии нарѣд наш сохранѣ, да сподѣбимся в
радѣсть Гѣспода внѣти, со ѡнгелы и всѣми
святѣыми поѣще Емѹ: Аллилуѣа.

Этот кондак читается трижды.

Икос 1

Ѳггельским попечѣнием хранѣмая и
мѡтерию твоѣю благѣстию поучѡемая, в
трудѣх, молѣтвах и мѣлостыни измѡда
ѡбраз добродѣтельнаго житѣя явила еси.
По кончѣне же мѡтере твоея и бѣжных
срѣдников крѣстный путь, Гѣсподем запо-
вѣданный, уразумѣла еси. Тѣмже, дивяще-
ся таковѣму от юности твоемѹ избрѡанию,
со умиленіем взываем ти:

Рѡдуйся, от юности Христѡ возлюбѣв-
шая; рѡдуйся, во младости начѡтки благо-
чѣстїя прѣимшая.

Рѡдуйся, Христѡва ѡгнице избрѡнная;
рѡдуйся, страх Божїй в душе воспрѣившая.



Рáдуйся, добродéтели мáтере твоея наследствовавшая; рáдуйся, трудолю́бию и милосéрдию ёю научénная.

Рáдуйся, сéрдцем в Бóзе утверждénная; рáдуйся, с вéрою и упováнием крест твой понéсшая.

Рáдуйся, земли́ отéчества твоегó цвёте благоухáнный; рáдуйся, чистото́ю жízни твоея́ Небесá возвесели́вшая.

Рáдуйся, на служéние стра́ждущим Бóгом избрáнная; рáдуйся, пред Гóсподем о нас тёплая моли́твеннице.

Рáдуйся, благовёрная княгíне Елисавéто, преподобномученице достослáвная.

Кондак 1

Избрáнная от рóда держáвного дщерь Церкви Русския, любóвию изобíльною и милосéрдием Бóгу и б́лижним дóбре послужíвшая, за вéру во Христа́ Гóспода нáшего дýшу свою́ положíвшая и венцём слáвы Христо́вы украшénная, восхваля́юще пóдвиги и страдáния тво́я, с любóвию воспевáем ти сýще:



Ра́дуйся, благове́рная кня́гине Елиса́ве-
то, преподо́бномуче́нице досто́сла́вная.

Молитва 1-я

О, вели́кая кня́гине, свята́я преподо́бно-
муче́нице Елиса́вето, Росси́йская похва́ло,
гра́да Москвы́ пресла́вное украше́ние и
Святы́я Земли́ свяще́нное досто́яние!

Ты во дни жити́я твоего́ ве́ру, наде́жду,
любо́вь нелóжны стяжа́вши, милосе́рдием
к стра́ждущим све́тло просия́ла еси́. Терпе́-
нием же скорбе́й и искуше́ний о́браз сми-
ре́ния бли́жним яви́вши, изгна́нием и
страда́ньми жити́е увенча́ла еси́ и во Ца́р-
ствии Небе́снем ны́не пребыва́еши.

Сего́ ра́ди мо́лим тя, страстоте́рпице
свята́я, моли́твами твои́ми да́руй нам се́рд-
це смире́нное и пока́йное, милосе́рдие
неоскудева́ющее, служе́ние бли́жним же́рт-
венное, терпе́ние непоколе́блемое, му́же-
ство в ско́рбех и обстоя́ниях неослабева́-
ющее, в стра́шный же час сме́ртный упова́-
ние тве́рдое на Го́спода на́шего Иису́са
Христа́, Ему́же подоба́ет вся́кая сла́ва, честь



и поклонѣние со Безначальнымъ Его Отцемъ,
и Пресвятымъ, Благимъ и Животворящимъ
Его Духомъ ныне и прѣсно и во вѣки вѣковъ.
Аминь.

Молитва 2-я

О, святѣя новомученицы Церкви Рус-
ския, великая княгиня Елисавето и пре-
честная инокиня Варвара, купно евангель-
ския заповѣди деломъ во обители милосер-
дія совершившія, веры ради православ-
ныя до смерти подвизавшіяся и добрый
плодъ в терпѣнии страстей Христу прине-
сшія! Молитесь Ему, яко победителю смер-
ти, да утвердитъ Церковь Русскую Право-
славную и Отечество наше. Се бо лукавый
врагъ вооружается на ны, хотя нас погуби-
ти в междоусобныхъ бранехъ, скорбехъ, печалехъ,
болѣзняхъ, нуждахъ и бѣдахъ лютыхъ. Умо-
лите Господа низложить вся немощныя
дерзости его; веру в сердцахъ людей право-
славныхъ укрепите, намъ же мужества даръ
низпослите, да, отвергшися себѣ и взявше
крестъ свой, последуемъ Христу, распинаю-



ще плоть свою со страстьми и похотьми. Сохраните нас от всякаго зла, освятите пути жизни наша, даруйте покаяние нелицемерное, тишину и мир душам нашим, испросите у Господа всем нам мытарств горьких и вечныя муки избавитися и Небесному Царствию наследником быти со всеми святыми, от века угодившими Богу, да радуясь воздадим хвалу, честь и поклонение Отцу и Сыну и Святому Духу во веки веков. Аминь.

Тропарь, глас 1

Смирением достоинство княжеское сокрывши, богомудрая Елисавето, сугубым служением Марфы и Марии Христа почтила еси. Милосердием, терпением и любовью себе предпочистивши, яко жертва праведная Богу принеслася еси. Мы же, чтуще добродетельное житие и страдания твоя, яко истинную наставницу усердно просим тя: святая мученице великая княгине Елисавето, моли Христа Бога спасти и просветити души наша.



Кондак, глас 2

Велічіе пѡдвѣга вѣры кто повѣсть? Во глубинѣ землі, ꙗко в рай свѣтлости, страстотѣрпица велікая княгінѣ Елисаветѣ со Ангелы во псалмѣх и пѣніих радовашеся и, убиѣние претерпеваѡущи, о безбѡжных мучителей взываше: Гѡсподи, прости им грех сей, не вѣдят бо, что творят. Той молитвами, Христѣ Бѡже, помилуй и спаси дѹши нѡша.



Великая княгиня Елизавета Феодоровна Романова родилась в семье великого герцога Гессен-Дармштадтского Людвига IV и принцессы Алисы, дочери английской королевы Виктории. В 1884 г. вышла замуж за великого князя Сергея Александровича Романова, брата Российского императора Александра III. В 1891 г. через чин Миропомазания перешла в Православие. 4 февраля 1905 г. от взрыва бомбы революционера погиб великий князь Сергей Александрович. Овдовев, святая Елизавета Феодоровна решила посвятить жизнь Господу через служение людям. Она создавала благотворительные фонды и комитеты, помогала многим тысячам людей. Но главной силой было ее сострадательное сердце. В 1909 г. по ее инициативе была открыта Марфо-Мариинская обитель милосердия, названная в честь евангельских сестер, праведных Марфы и Марии. 7 мая 1918 г. великую княгиню арестовали. 18 июля вместе с сестрой обители инокиней Варварой и князьями императорской семьи дома Романовых она была сброшена в шахту у Алапаевска.

Мощи преподобномучениц Елизаветы и Варвары находятся в Иерусалиме, в церкви равноапостольной Марии Магдалины. В Марфо-Мариинской обители хранятся частицы их святых мощей.

Священный Синод на заседании 29 июля 2017 года одобрил (журнал № 65) новую редакцию акафиста святой преподобномученице великой княгине Елисавете.

<http://www.patriarchia.ru/db/text/4972730.html>

АКАФИСТ СВЯТОЙ ПРЕПОДОБНОМУЧЕНИЦЕ
ВЕЛИКОЙ КНЯГИНЕ ЕЛИСАВЕТЕ

Редактор: Плюснин А. И.
Корректор: Плюснин А. И.

Подписано в печать 08.11.2022
Формат 70х90/32. Бумага офсетная.
Печать офсетная. Гарнитура Таймс.
П. л. 1,5. Тираж 10000 экз. Заказ

Издательство «Благовест».
Адрес: 123182, г. Москва,
ул. Авиационная, дом 13

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
www.idel-press.ru

Икона преподобномученице
Елисавете Феодоровне, Алапаевской на лицевой стороне
обложки написана в иконописной мастерской
Екатерины Ильинской©. www.icon-art.ru
тел.: 8 (495) 642-55-16, 8 (926) 534-19-80

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 942-53-72, 973-19-11,

8-800-333-11-78

звонок из любого региона России – БЕСПЛАТНО!

ISBN 978-5-9968-0766-6





МОСКВА